

一之書叢科百緯經

選精文駢代歷

編傑士陳

行發局書緯經海上

經緯百科叢書之一

歷代駢文精選

陳士傑編



上海經緯書局發行

歷代駢文精選

全一冊 實價八分

編輯者：陳士傑

出版者：經緯書局

發行者：上海四馬路山東路交通路口經緯書局發行所

郵售處：上海海甯路高寺里六十七號經緯書局郵售部

經售處：各大書局

—— 版權所有 翻印必究 ——

民國二十五年十二月再版

歷代駢文精選

例言

1、本書凡分賦、書、序、啓、記、詔、勅等十一門各類中則又以作者時代先後爲篇序使讀者明悉文體之性質及各篇之時代背景

2、駢文始於兩漢而成於六朝本書選錄亦以六朝文較多使讀者能一窺駢文之精華

- 3、本書取材極從精短然意味則甚濃厚使讀者略知駢文作法之門徑
- 4、本書雖所選不多然體格完備應有盡有熟讀深玩意味無窮
- 5、本書所選俱從善本中選出訛奪異同皆詳愼考正衍文俚字悉刪之
- 6、編者識力有限固陋當所不免海內博雅不吝見告尤所欣幸

列代駢文精選目錄

賦

沈 約：麗人賦

..... 一

梁元帝：采蓮賦

..... 一

庾 信：小園賦

..... 二

書

枚 乘：諫武王書

..... 四

魏文帝：與吳質書

..... 六

魏文帝：與孟達書

..... 七

應 璩：與侍郎曹長思書

..... 七

劉 楨：答太子書

..... 八

- 陸 雲：與陸典書……………九
- 王 哀：與周弘讓書……………九
- 邵齊叢：答周芝山同年書……………一〇
- 吳錫麒：與袁簡齋前輩書……………一一
- 徐 陵：與李那書……………一二
- 周壽昌：與李少隱相國書……………一四
- 劉 峻：追答劉沼書……………一四
- 劉孝儀：北使還與永讀候書……………一五
- 吳 均：與顧章書……………一六
- 庾 信：爲上黃候學與婦書……………一六
- 傅 桐：與汪督糧文書……………一六
- 姚 燮：與秦悟梅牋……………一七

序

沈約：梁武帝集序……………一八

王融：三月三日曲水詠序……………一九

王勃：秋日遊蓮池序……………二三

楊炯：登祕書閣詩序……………二三

廬照鄰：七日綿州泛舟詠序……………二五

洪亮吉：八月十五泛舟白雲谿詠序……………二六

董基誠：在中歲暮詩序……………二六

梅曾亮：展東坡生日序……………二八

王勃：綿州北序羣公宴序……………二九

李慈銘：沅江秋思圖序……………二九

邵齊燾：顧密齋蘊真集序……………三

啓

- 劉孝儀：謝晉安王賜宜城酒啓……………三一
- 庾 信：謝滕王集序啓……………三二
- 李商隱：爲崔從事寄尙書彭城公啓……………三三
- 孫 觀：敍復謝中丞啓……………三五
- 洪 适：謝溫南劍啓……………三六
- 李商隱：上河東公啓……………三六
- 蘇 軾：謝賈朝奉奠先墓啓……………三七
- 王十朋：回丁狀元時發啓……………三八
- 陸 游：謝周樞使啓……………三九
- 袁 枚：擅責旗廝謝岱將軍啓……………四〇

記

劉開：燕園記……………四一

彭鼎蓀：懷知園記……………四二

段成式：塑像記……………四三

致語

趙彥端：錢沈宰致語……………四五

闕名：錢和州交代致語……………四五

歐陽修：會老堂致語……………四六

蘇軾：集英殿秋宴教坊致語……………四七

表

歐陽修：謝賜漢書表……………四八

王安石：賀誕皇子表……………四八

王安石：百寮賀復熙河路表……………四九

蘇軾：呂惠卿資授建寧軍節度副使本州安置不得簽書公事制：五〇

文天祥：皇太子生日賀皇太后箋：五一

蘇軾：謝量移汝州表：五一

曾鞏：賀明堂禮成肆赦表：五二

岳飛：和議成賀表：五三

張九齡：謝賜香藥面脂表：五四

昭

魏孝文帝：與太子論彭城王詔：五五

勅

宋武帝：與臧纘勅：五五

教

江淹：建平王聘隱逸教：五六

贊

彭兆蓀：黃孝子贊并序

.....五六

碣

洪亮吉：蔣定安墓碣

.....五七

銘

庾信：後堂與美人山銘

.....五八

洪亮吉：終南山高觀谷銘

.....五九

祭

劉令嫻：祭夫徐懋文

.....六〇

梅曾亮：祭李芝齡先生墓版

.....六一

王闈運：弔朱先生文并序

.....六一

歷代駢文精選

麗人賦

沈約

有客弱冠未仕。緜交戚里。馳驚王室。遨遊許史。歸而稱曰。狹斜才女。銅街麗人。亭亭似月。嫵婉如春。凝情待價。思尙入巾。芳躅散麝。色茂開蓮。陸離羽佩。雜錯花鈿。襜羅衣而不進。隱明燈而未前。中步檐而一息。順長廊而迴歸。池翻荷而納影。風動竹而吹衣。薄暮延佇。宵分乃至。出闈入光。含羞隱媚。垂羅曳錦。鳴珞動翠。來脫薄妝。去留餘賦。霑粉委露。理鬢清渠。落花入領。微風動裾。

采蓮賦

梁元帝

紫萼兮文波。紅蓮兮菱荷。綠房兮翠蓋。素實兮黃螺。於時妖童媛女。蕩舟心許。鷁首徐迴。兼傳羽杯。櫂將移而藻挂。船欲動而萍開。爾其纖腰束素。遷延顧步。夏始春餘。

葉嫩花初。恐沾裳而淺笑。畏傾船而斂裾。故以水濺齒橈。慮侵羅襪。菊澤未及。梧臺迴見。荇溼露彩。菱長繞。汎柏舟而容與。歌采蓮於江渚。歌曰。碧玉小家女。來嫁汝南王。蓮花亂臉。色荷葉衣香。因持薦君子。願襲芙蓉裳。

小園賦

庾信

若夫一枝之上。巢父安真之所。一壺之中。壺公有容身之地。況乎管寧藁牀。雖穿而可坐。嵇康鍛室。既煖而堪眠。豈必連閣洞房。南陽樊重之第。綠屏青瑱。西漢王根之宅。余有數畝弊廬。寂寥人外。聊以擬伏臘。聊以避風霜。雖復宴嬰近市。不求朝夕之利。滂岳面城。且適閒居之樂。況乃黃鶴戒露。非有意於輪軒。爰居避風。本無情於鐘鼓。陸機則兄弟同居。韓康則舅甥不別。蝸角蚊睫。又足相容者也。爾乃窟室徘徊。聊同鑿坯。桐間露落。柳下風來。琴號珠柱。書名玉牀。有棠梨而無館。足酸棗而非臺。猶得敲側八九丈。縱橫數十步。榆柳兩三行。梨桃百餘樹。撥蒙密兮見窗。行敲斜兮

得路。蟬有翳兮不驚。雉無羅兮何懼。草樹溷淆。枝格相交。山爲簣覆。地有堂坳。藏經
竄窟。乳鵲重巢。連珠細菌。長柄寒匏。可以瘳饑。可以棲遲。匾敝兮狹室。穿漏兮茅茨。
簷直倚而妨帽。戶平行而礙眉。坐帳無鶴。支牀有龜。鳥多閑暇。花隨四時。心則歷陵
枯木。髮則睢陽亂絲。非夏日而可畏。異秋天而可悲。一寸二寸之魚。三竿兩竿之竹。
雲氣陰於叢菁。金精養於秋菊。棗酸梨酢。槐橈李奠。落葉半牀。狂花滿屋。名爲埜人
之家。是謂愚公之谷。試假息於茂林。迺久羨於抽簪。雖有門而長閉。實無水而恆沉。
三春負鋤相識。五月披裘見尋。問葛洪之藥性。訪京房之卜林。草無忘憂之意。花無
長榮之心。烏何事而逐酒。魚何情而聽琴。加以寒暑異令。乖違德性。崔駟以不樂損
年。吳質以長愁養病。鎮宅神以堊石。厭山精而照鏡。屢動莊鳥之吟。幾行魏顛之命。
薄晚閑園。老幼相攜。蓬頭王霸之子。椎髻梁鴻之妻。焦麥兩甕。寒菜一畦。風騷騷而
樹急。天慘慘而雲低。聚空倉而雀噪。驚懶嬾而蟬嘶。昔筭濫於吹噓。藉文言之慶餘。
門有通德。家承賜書。或陪玄武之觀。時參鳳凰之墟。觀受釐於宣室。賦長楊於直廡。

遂乃山崩川竭。冰碎瓦裂。大盜潛移。長雖永滅。摧直轡於三危。碎半途於九折。荆軻有寒水之悲。蘇武有秋風之別。關山則風月悽愴。隴水則肝腸斷絕。龜言此地之寒。鶴訝今年之雪。百靈兮倏忽。菁華兮已晚。不雪雁門之躋。先念鴻陸之遠。非淮海兮可變。非金丹兮能轉。不暴骨於龍門。終低頭於馬坂。諒連舞馬之峯。豈可使稷下遺叱。頓隔陪封之禮。淹中叢老。獨奏告成之儀。景用就日披丹。御壁輪之三舍。望雲扈素。叫天關於九重。儻允徽誠。許陪大禮。則夢寢餘息。仰仙闕以相瞻。就木殘魂。游岱宗而載躍。

諫吳王沒

枚乘

臣聞得全者全昌。失全者全亡。舜無立錐之地。以有天下。禹無十戶之聚。以王諸侯。湯武之地。不過百里。上不絕三光之明。下不傷百姓之心者。有王術也。故父子之道。天性也。忠臣不避重誅。以直諫。則事無遺策。功流萬世。臣乘願披腹心而效愚忠。惟

大王少加意念。惻怛之心於臣。乘言。夫以一縷之任。繫千鈞之重。上懸無極之高。下垂不測之淵。雖甚愚之人。猶知哀其將絕也。馬方駭鼓而驚之。繁方絕。又重鎖之。繫絕於天。不可復結。墜入深淵。難以復出。其出不出。間不容髮。能聽忠臣之言。百舉必脫。必若所欲爲。危於繫卵。難於上天。緣所欲爲。易於反掌。安於泰山。今欲極天命之奇。敵無窮之樂。究萬乘之勞。不出反掌之易。以居泰山之安。而欲乘繫卵之危。走上天之難。此愚臣之所以大惑也。人性有畏其景而惡其迹者。卻背而走。迹愈多。景愈遠。不如就陰而止。景滅迹絕。欲人勿聞。莫若勿言。欲人勿知。莫若勿爲。欲湯之滄。一人炊之。百人揚之。無益也。不如絕薪止火而已。不絕之於彼。而救之於此。譬猶抱薪而救火也。養由基楚之善射者也。去楊葉百步。百發百中。楊葉之大。加百中焉。可謂善射矣。然其所止。乃百步之內耳。比於臣乘。未知操弓持矢也。福生有基。禍生有胎。納其基。絕其胎。禍何自來哉。泰山之霤穿石。單極之統斷幹。水非石之鑽。索非木之鋸。漸靡使之然也。夫銖銖而稱之。至石必差。寸寸而度之。至丈必過。石稱丈。量徑而

寡失。夫十圍之木。始生而彙。足可搔而絕。手可擢而拔。據其未生。先其未形也。麀麀底厲。不見其損。有時而盡。種樹畜養。不見其益。有時而大。種德業行。不知其善。有時而用。棄義背理。不知其惡。有時而亡。臣願大王熟計而身行之。此百世不易之道也。

與吳質書

魏文帝

季重無恙。途路雖局。官守有限。願言之懷。良不可任。足下所治辭左。書問致簡。益用增勞。每念昔日南皮之游。誠不可忘。既妙思六經。逍遙百氏。彈碁閒設。終以六博。高談娛心。哀箏順耳。馳騁北場。旅食南館。浮甘瓜於清泉。沉朱李於寒水。白日既匿。繼以朗月。同乘並載。以游後園。輿輪徐動。參從無聲。清風夜起。悲笳微吟。樂往哀來。淒然傷懷。余願而言斯樂。雖常足下之徒。咸以爲然。今果分別。各在一方。元瑜長逝。化爲異域。每一念至。何時可言。方今蕤賓紀時。景風扇物。天氣和暖。衆果具繁。時駕而游。北遵河曲。從者鳴笳。以啓路。文學託乘。於後車。時同節異。物是人非。我勞如何。今

遣騎到鄴。故使枉道相過行矣。白愛。

與孟達書

魏文帝

近日有命。未足達旨。何者。昔伊摯皆商而歸周。百里去虞而入秦。樂毅感鳴夷以蟬蛻。王遵識逆順以去就。皆審廢興之符效。知成敗之必然。故丹青畫其形容。良史載其功勳。開戶懸戶。純茂器量優絕。當勳能明。故名傳記。今者體然。澗澗清流。甚相嘉樂。虛心首望。與汝若舊。下宗同歸。誠心密之。昔彭越入趙。再見取相。陳平就漢。一說參乘。孤今於卿。情過於往。故致廣御馬物。以昭忠愛。

與侍郎曹長思書

應璩

矚白足下。去後甚相思想。叔田有無人之歌。闌闌有匪存之思。風人之作。豈虛也哉。王肅以宿德顯授。何曾以後進見拔。皆鷹揚虎視。有萬里之望。薄援助者不能追參。

於高妙。復斂翼於故枝。塊然獨處。有離羣之志。汲黯樂在郎署。何武恥爲宰相。千載揆之。知其有由也。德非陳平。門無結駟之跡。學非揚雄。堂無好事之客。才劣仲舒。無下帷之思。家貧孟公。無置酒之樂。悲風起於閨闈。一作紅塵蔽於几榻。幸有袁生。時步玉趾。樵蘇不爨。清談而已。有似周黨之過園子。夫皮朽者毛落。川涸者魚逝。春生者繁華。秋榮者零悴。自然之數。豈有恨哉。聊與大弟陳其苦懷耳。想還在近。故不益言。藁白。

答太子書

劉 楨

太子初賜楨廓落帶、其後師死、欲借取以爲像、因書囑楨、楨答之、楨辭旨巧妙皆如是、

楨聞荊州之璞。曜元后之寶。隨侯之珠。爛衆士女一作之好。南垠之金。登窈窕之首。麗貂之尾。綴侍臣之幘。此四寶者。伏朽石之下。潛污泥之中。而揚光千載之上。發彩疇昔之外。亦皆未能初自接於至尊也。夫尊者所服。卑者所修也。貴者所御。賤者所先。

也。故夏屋初成而大匠先立其下。嘉禾始熟而農夫先嘗其粒。恨楨所帶無他妙飾。若實殊異。尙可納也。

與陸典書

陸雲

雲再拜。每惟大人挺自然之妙質。稟淵姿之弘毅。克壯其烈。兼詠之道。希文尙武。潛居以娛其志。靜處以育其神。遊步八素之林。逍遙德化之囿。豈如某者。棄曳瓊纜。世道通明。俊又在官焉。伊希世之寶。久隱岑壑之山。逸景之迹。永繫幽冥之坂。方將車乘回綸。東島淺淺。排金風於太微。跨天路以妙觀。恢皇綱之大烈。垂榮祚乎祖宗。此乃大人之所宜循。非允夫之可企望也。無因親展。書以言心。心之所積。萬不敝一。雲再拜。

與周弘讓書

王袁

嗣宗窮途。楊朱歧路。征蓬長逝。流水不歸。舒慘殊。炎涼異節。木皮春厚。桂樹冬榮。想攝衛惟宜。動靜多豫。賢兄入關。敬承款曲。猶依杜陵之水。尙保池陽之田。鏡迹幽豁。銷聲窮谷。何其愉樂。幸甚幸甚。弟昔因多疾。頓覽九仙之方。晚涉世途。常懷五嶽之舉。同夫關分。物色異人。譬彼客卿。明膺高士。上經說道。屢聽元牡之談。中華養神。每稟丹砂之說。頃年事涉盡。官庭衰謝。共具黃矣。零落無時。還念生涯。繁憂總集。親陰惕日。猶趙孟之徂年。負以行吟。同劉琨之積慘。河陽北臨。空具棠。霜陵南望。還見長安。所冀青生之魂。來從舊壤。射聲之鬼。無恨他鄉。白雲在天。長離別矣。會見之期。邈無日矣。授筆。管紙。龍鍾。橫集。

答屈處山同年書

邵齊濼

齊濼頓首。芝山九弟足下。得六月四日告。慨然增遠別之恨。頃以芳春。亟申歡讌。傾蓋投分。忘形定交。疏狂年少之時。慷慨立身之始。相與低昂。今古嗤慕。賢愚品藻。淵

流銓衡雅俗。屢承直諒之益。不棄芻蕘之詞。或命駕不逢。則回車靡樂。經旬暫阻。則採葛憂吟。于斯時也。松有悅柏之心。帶有忘腰之適矣。奉教日淺。歡娛未足。尋值吾弟榮榮在疚。望窮陟屺。行迫見星。嗟乎嗟乎。此之別也。豈直絲路恆悲。關岳往恨云爾哉。吸泣感閔。啜含辭哽咽。停驂郭門。贈言悽惻。山川重阻。薊北極於周南。義望推移。出冰距乎流火。傷獨行之踽踽。遠道之綿綿。追惟昔遊。百憂集矣。夏暑秋涼。攝衛何似。努力珍護。勉旃自愛。弦望未期。風雲增愴。所冀思夢潛宣。慈恩之遊有驗。春風捲地。中州之飛忽逢。略布所懷。詞不宜備。

與袁簡齋前輩書

吳錫麒

長日如年。積懷成痼。想林泉清暇。毒熱自祛。攝衛咸宜。幸甚幸甚。錫麒自金陵判襜。冒雨開帆。樹色送涼。若砥詩骨。篷聲到枕。頓醒塵夢。抵家以後。思與二三親故。藉芳蔭。濯瑤流。澆酒釣鮮。以消永夏。而乃勞勞未已。惘惘出門。尋旅燕之舊巢。踏磨驢之

陳迹已於月之一日又到維揚。熱惱隨人。清涼無地。伏念先生名山勝踐。出沒煙霞。躡舊令之冕。跨謫仙之鶴。與茅家兄弟。揖讓唱酬。玉醴浮杯。松花拂席。不知青嶂之遠。同住白雲之深。引領神鄉。薜蘿在眼矣。夫浴歸之託。難語尺木之階。翳薈之遊。巨瀾溟之運。然隔闕者跡也。鑽仰者情也。先生學峯奏懷。觸岫延賞。抗吟則竹石俱裂。流詠而猿鳥皆欣。惟冀白雪先聆。蕩炎氛於亭午。清風下被。中良覲於故人。載渴載飢。不勝勞佇。

與李那書

徐陵

籍甚清微。常懷虛谷。山川緬邈。河渭像於經星。願望風流。長安遠於朝日。青斐戒節。白露爲霜。君子惟宜。福履多豫。雍容廊廟。獻納便繁。留使催書。駐馬成檄。車騎將軍。賓客盈座。丞相長史。瞻對有勞。脫惠箋繒。樹其翹想。吾栖遲茂陵之下。臥病漳水之濱。道以嶮巇。難爲砭藥。平生壯意。竊愛篇章。忽覲高文。載懷勞佇。此後殷儀同至止。

主人授館。用阻班荆。常在公筵。敬析名作。獲殷公所借。陪駕終南。入重陽閣詩。及荊州大乘寺宜陽石像碑四首。鏘鏘並奏。能驚趙鞅之魂。輝煥相華。時瞬安豐之眼。山澤旣滿。松竹參差。若見三峻之峯。依然四皓之廟。晉泉鹵簿。盡在清文。扶風輦路。悉陳華簡。昔魏武虛帳。韓王故臺。自古文人。皆爲詞賦。未有登茲舊閣。歎此幽宮。標句清新。發言哀斷。豈止悲聞帝瑟。泣望羊碑。一詠歌梁之言。便掩盈懷之淚。至如披文相質。意致縱橫。才壯風雲。義深淵海。方今二乘斯悟。同免化城。六道知歸。皆躡火宅。宜陽之作。特會幽矜。所視黃絹之詞。彌懷白雲之頌。但恨耆閣遠嶽。檀特高峯。開士羅浮。康公懸溜。不獲銘茲雅頌。耀彼幽巖。循環省覽。用忘饑渴。握之不置。恆如趙璧。觀之不足。同於玉枕。京師長者。好事才人。爭造蓬門。請觀高制。軒車滿路。如看太學之碑。街巷相墳。無異華陰之市。但豐城兩劍。尙不俱來。韓子雙環。必希皆見。莫以好龍無別。木鴈可嗤。載望瓊瑤。因乏行李。金風已勁。玉質宜調。書不盡言。但聞爻繫。徐陵頓首。

與李少荃相國書

周壽昌

揖別之後。載質寒暄。思念云勞。未能忘弭。閣下神策內運。壯猷外昭。中岳惟崧。生申甫而作翰。北門之管。非竅公其何屬。故能六師孔武。羣帥無爭。熊羆之士。渴賞而爭先。狼豕之羣。歸義而恐後。近者兇渠困於地險。醜類慄於天誅。斯國家威靈之所加。亦相公臨履之所致也。壽昌樵材拳曲。徒長乎十尋。鎗刀手操。未聞於一割。揚雲於以客嘲。賈傅因而太息。旅進旅退。良有愧矣。然使竭鄙思。紀芳烈。承嘉惠。銘大勳。蒙也不才。斯猶能信。世無機雲。未敢焚此筆硯。朝有李郭。每遙盼其旌旗。崇德懋功。無任祇祝。

追答劉沼書

劉峻

劉侯既重有斯難。值予有天倫之感。竟未之致也。尋而此君長逝。化爲異物。緒言餘

論蘊而莫傳。或有自其家得而示余者。余悲其音徽未沫。而其人已亡。青簡尙新。而宿草將列。泫然不知涕之無從也。雖隙駟不留。尺波電謝。而秋菊春蘭。英華靡絕。故存其梗概。更酬其旨。若使累翟之言。無爽宣室之談。有徵冀東平之樹。望咸陽而西。靡蓋山之泉。聞絃歌而赴節。但懸劍空壠。有恨如何。

北使還與永興侯書

劉孝儀

足踐寒地。身犯朔風。暮宿客亭。晨炊謁舍。飄飄辛苦。迄屆甌鄉。雜種覃化。頗慕中國。兵傳李緒之法。樓礙衛律所治。而謁幙難淹。酪漿易饜。王程有限。時及玉關。射鹿胡奴。乃共歸。胡龍滿節。還持入塞。馬銜苜蓿。嘶立故墟。人獲蒲萄。歸種魯里。稚子出迎。善鄰相勞。倦握蟹螯。亟覆鰕盃。未改朱顏。略多白醉。用此終日。亦以自娛。

與顧章書

吳均

僕去月謝病還覓薜蘿梅谿之西有石門山者森壁爭霞孤峯限日幽岫含雲深谿蓄翠蟬吟鶴唳水響猿嘯英英相雜綿綿成韻既素重幽居遂葺宇其上幸富菊花偏饒竹實山谷所資於斯已辦仁智所樂豈徒語哉。

爲上黃候世子與婦書

庾信

昔仙人導引尙刻三秋神女將梳猶期九日未能龍飛劍匣鶴別琴臺莫不銜怨而心悲開猿而下淚人非新市何處尋家別異邯鄲那應知路想鏡中看影當不含啼欄外將若居然俱笑分杯帳裏卻扇牀前故是不思何時能憶嘗學海神逐潮風而來往勿如織女待填河而相見。

與汪督糧文書

傅桐

舟發胥門石尤爲梗山色到眼久而不移落葉打頭多且積寸著岸假草飽飯榜人。

月上放棹。行又數里。水逆風顛。進寸退丈。橋礙前路。舟泊奔隄。既兩越宿。始過吳江。甫到浙中。卽賦滴館。醉尉衙前。言尋舊好。將軍樹下。竟容長揖。學徒三人。長習時藝。溫溫淳淳。頗具風範。其餘二雛。口授章句。溫故知新。排日消遣。斗室一間。駢羅案几。間以行滕。更無隙地。土既卑溼。承以木株。朽腐已多。疏闊若柵。每一躡足。窗牖動搖。軍令宵肅。邏卒嚴更。峨峨麗譙。近接寢處。申且笳吹。喧闐枕上。困極思臥。不復交睫。門外投刺。騶唱達於簷前。中饋進餐。鐘聲出於戶右。家在山水。習聆清音。驟聞鼓鼙。殊駭野性。綠雪堂集。已付手民。顧惟駢淺。繆與校讎。常恐忽疏。用負誣諉。此公天才。踴厲獨有千古。但著書盈尺。不及手定。明公爲梓遺集。載發幽光。季布一諾。重均千金。元伯已亡。神慰九地。視茲風義。不後古人。星軺何日北指。行當買棹金閶。一申良覲。玃箋恩遠。未盡願言。

與秦悟梅牋

姚燮

昨醉矣。歸不解帶。攬衿思睡。金風氣涼。瓦罍燄短。瓶花在几。搖影素壁。高梧出檐。與竹戰聲。帆復不寐而起。露臺之暮。悄焉倚闌。數銀河之疏星。聽石砌之斷蛩。殘月東上。流光散於蕙叢。遠山西橫。明翠拂乎頰。抄知佳人之何怨。撫繁箏而未停。使我悲生。惻焉涕下。秋士善感。矧在異鄉。與晨雞續號。露氣清緊。聊伏枕以休息。竟輾轉而達明。偶得小詩。庶諸左右。且續昨讌以尋芳。弗使韶年如逝川也。

梁武帝集序

沈約

文思安安。欽明所以光宅。日月光華。南風所以興詠。日角之主。出自諸生。鏡頂之君。少明古學。漢高宋武。雖闕章句。歌大風以還沛。好清談於暮年。夫成天地之大功。膺樂推之寶運。未或不文武兼資。能事斯舉者也。我皇誕縱自天。生知在御。清明內發。疏通外典。爰始貴遊。篤志經律。究淹中之雅旨。盡曲臺之奧義。莫不因流極源。披條振藻。若前疑往滯。舊學罕通。而超然詣妙。援終古善發談端。精於持論。置壘難踰。

擢鋒莫擬。有同成誦。無假含毫。輿絕節於高卑。振清辭於蘭畹。至於春風秋月。送別望歸。皇王高宴。心期促賞。莫不超挺容興。游發神衷。及庸登歷試。辭翰繁蔚。賡記風動。表議雲飛。雕蟲小藝。無累大道。懷君人之大德。有事君之小心。爲下奉上。形於辭旨。雖密奏忠思。遺稿必削。而國謨審政。存者猶多。逮乎俯應歸運。仰修乾錄。載筆握簡。各有司存。如綸之旨。時或染翰。暨於設簾靈囿。豐樂在鎬。鹿鳴四牡。皇華棠棣之歌。伐木採薇。出車扶杜之讌。皆詠志搗藻。廣命羣臣。上與日月爭光。下與鐘石比韻。事同觀海。義等窺天。觀之而不測。遊之而不知者也。竊惟左史記言。右史記事。君舉必書。無論大小。況乎成而後思。思而後積。積而後滿。滿而後言。若斯而已哉。謹因事立名。隨源編次。

三月二日曲水詩序

王融

臣聞出豫爲美。鈞天之樂張焉。時乘既位。御氣之駕翔焉。是以得一奉宸。逍遙襄城。

之域。體元則大。懷望姑射之阿。然宵渺寂寥。其獨適者已。至如夏后兩龍。載驅瑤臺之上。穆滿八駿。如舞瑤水之陰。亦有饗云。固不與萬民共也。戎大齊之握機。創歷誕命。建家。接禮武宮。考唐太室。幽明獻則。雷風通饗。昭華之珍。旣徙。延喜之玉。攸歸。革命受天。保生萬國。度邑靜鹿邱之歎。澤鼎息大坰之慚。紹清和於常猷。聯顯懿於王表。駿發聞其遠聲。定爾固其洪業。皇常禮膺上聖。運鍾下武。冠五行之秀氣。邁三代之英風。昭章雲漢。輝麗日月。宰籠天地。彈壓山川。設神理以景俗。敷文化以柔遠。澤普汎而無私。法含弘而不殺。猶且具明廢寢。於昇忘餐。念負重於春冰。懷御奔於秋駕。可謂巍巍弗與。蕩蕩難名。秉靈岡而非泰。涉孟門其何險。儲后容哲在躬。妙善居質。內積和順。外發英華。斧藻至德。琢磨令範。言炳丹青。道潤金璧。出龍樓而問豎。入虎闈而齒胃。愛敬盡於一人。光耀究於四海。若族茂麟趾。宗固磐石。跨躡昌姬。韜軼炎涉。元宰比肩於尙父。中鉉繼踵乎周南。分陝流勿翦之勸。來仕允克施之譽。莫不如珪如璋。令聞令望。朱弗斯皇。室家君王者也。本枝之盛如此。稽古之政如彼。用能

免羣生於湯火。納百姓於休和。草萊樂業。守屏稱事。引鏡皆明日。臨池無洗耳。沈冥之怨既缺。邁軸之疾已消。興廉舉孝。歲時於外府。署行議年。日久於中甸。協律總章之司。序倫正俗。崇文成均之職。道德齊禮。挈壺宣夜。辨氣朔於靈臺。書笏珥彤。紀言事於仙室。褰帷斷裳。危冠空履之吏。飄搖武猛。扛鼎揭旗之士。勤恤民隱。糾逃王愆。射集隼於高墉。繳大風於長隧。不仁者遠。惟道斯行。讒莠茂聞。懷爭掩息。稀鳴桴於砥路。鞠茂草於滄埽。善年闔市井之游。稚齒豐車馬之好。宮鄰賂秦。壺景滄夷。侮食來下。左言入侍。擊身反踵之君。舉首貫胸之長。屈膝厥角。請受纆縲。文鉞與斧之琛。奇幹善芳之賦。紈牛露犬之玩。乘黃茲白之馴。盈衍儲邸。充仞郊虞。甌臚相尋。鞮譯無曠。一尉候於西東。合車書於南北。暢穀埋麟麟之轍。綏旌卷悠悠之旆。四方無拂。五戎不距。假革辭軒。銷金罷刃。天瑞降。地符升。澤馬來。器車出。紫脫華。朱英秀。佞枝植。歷草孳。雲潤星暉。風揚月至。江海呈象。龜龍載文。方握河沈璧。封山紀石。邁三五而不追踐。八九之遙迹。功既成矣。世既貞矣。信可以優游暇豫。作樂崇德者歟。於時。

青鳥司開。條風發歲。粵上斯已。惟暮之春。同律克和。樹草自樂。禊飲之日在茲。風舞之情咸宣。去肅表乎時訓。行慶動於天囑。載懷平圃。乃睠芳林。芳林園者。福地奧區之溱。舟陵若水之瀉。殷殷均乎雉澤。臚臚尚於周原。狹豐邑之未宏。陋譙居之猶褊。求中和而經度。廣絳以葺基。飛觀神行。虛櫓雲構。離房乍設。射樓閒起。負朝陽而抗殿。跨靈沼而浮擘。鏡文虹於綺疏。浸齒泉於玉砌。幽幽叢薄。秩秩斯干。曲拂澗迴。潺湲徑復。新萍沙泚。華桐發岫。雜天采於柔荑。亂嚶聲於綿羽。禁軒承幸。清宮俟宴。緹帷宿置。帝幕宵懸。旣而滅宿澄霞。發光辨色。式道執爰。展轡效駕。徐鑾警節。明鐘暢首。七萃連鑣。九旂齊軌。建旗拂蜺。揚葭振木。魚甲煙聚。貝冑星羅。重英曲瑤之飾。絕景追風之騎。略灼甄部。馴駿兩列。虎視龍超。雷駭電逝。蟲蟲隱隱。紛紛軫軫。羌難得而稱計爾。乃迴輿駐片。嶽鐘澗淙。眸容有程。賓儀式序。授几肆筵。因流波而成次。蕙肴芳醴。任激水而推移。葆份陳階。金匏在席。戚奏翹舞。籥動邪詩。召鳴鳥於弇州。追俗倫於嶰谷。發參差於王子。傳妙靡於帝江。正歌有闕。羽觴無算。上陳景福之賜。

下獻南山之壽。信凱燕之在藻。知和樂於食苹。桑榆之陰不居。草露之滋方渥。有詔曰。今日嘉會。咸可賦詩。凡四十有五人。其辭云爾。

秋日遊蓮池序

王勃

入聞齷齪。抱風雲者幾人。庶俗紛紜。得英奇者何有。煙霞召我。相望漁術之門。文酒起予。放浪沈潛之地。少留逸客。寒雁飛鳴。北斗橫而天地。西金用而風露。幽居少事。野性多閒。登石岸而鋪筵。坐沙場而列席。琳琅觸目。朗月清風之俊人。珠玉在傍。鸞鳳虬龍之君子。汀洲地遠。波濤濺日月之輝。人野路殊。原隰擁神仙之氣。平郊樹直。曲浦蓮肥。際十泥。清仙人水綠。越林亭而極望。生死都。出宇宙以長懷。心靈若喪。悲夫秋者愁也。酌濁酒以蕩幽襟。志之所之。用清文而銷積恨。我懷矣。能無情乎。

登祕書署閣詩序

楊炯

若夫麒麟鳳凰之署。三臺四部之經。周王琴玉之山。漢帝蓬萊之室。觀星文而考南
北。大象入於璣衡。披帝冊而質龍神。負圖出於河洛。司先王之載籍。掌制書之典謨。
劉向沈研。揚雄寂寞之士。於茲翰墨。馬融該博。傳毅文章之才。此焉游處。莫不出言
斯善。有道則尊。黻黼其德行。珪璋其事業。心同匪石。達人千載之交。手握靈珠。文士
一都之會。陶弘寡務。紉素多閑。命蘭芷之君子。坐芸香之祕閣。徒觀其重欄四絕。關
道三休。紅梁修柱。金鋪玉碣。平看日月。唐都之物候可知。坐望山川。裴秀之輿圖在
節。虹蜺爲之回帶。寒暑由其隔關。豈直崑崙十二。瀛海千尋。西州有百尺之樓。東國
有千秋之觀。於時五行金王。八月秋分。風生閭闔之門。日在中衡之道。煙雲悽慘。白
露下而四郊空。林野蒼茫。青天高而九州迴。登山臨水。無非宋玉之詞。高閣連雲。有
似安仁之興。列芳饌。命雕觴。扼腕抵掌。劇談戲笑。假使神仙可得。自葭松喬。富貴在
天。終經許史。登高作賦。羣公陳力於大夫。聞善若驚。卜走自強於玄晏。輕爲序引。綴
在辭章。

七日綿州泛舟詩序

廬照鄰

諸公迹寓市朝。心游江海。訪奇交於千里。惜良辰於寸陰。常恐辜負琴書。荒涼山水。於是脫屣人事。鳴棹川隅。言追挂犢之才。用卜牽牛之賞。邊生經笥。送炎氣以濯纓。郝氏書囊。臨秋光而曝背。似遇緱山之客。還疑星漢之游。願駐景於高天。想乘寬於縮地。繁絲亂響。涼醅時斟。戲翔羽於平沙。釣潛鯉於曲浦。乘流則逝。不覺忘歸。咸可賦詩。探韻成作。

八月十五日泛舟白雲谿詩序

洪亮吉

小雨忽晴。秋花轉媚。雲溪小閣。月來沈沈。錢塘郭生。南巷呂子。或攜壺觴。遠挈簫笛。予與孫君買舟深港。徑可十尺。租才百錢。王生居塵。壘市甘脆。菱栗之屬。粲已盈艇。與二三子拍浮其中。障袖作帆。折柳代楫。西經紅橋。東阻北郭。兩岸宿鳥。一川游魚。

隨波沸騰。離樹上下。噉啾啾。聲不得歇。沿溪以北。稍有竹樹。下陰密蕩。寬可彌畝。黑白萬羽。浮沉千頭。波喧葉飛。悉萃其裏。從洲以南。檐瓦可數。橋陰數尺。乃界中外。孤簫一聲。高樹答響。呂生歌狂。不覺離口。樓閣半里。鉤簾一時。兒童不眠。應以拊掌。歌韻欲寂。盈觴勸酬。欣羅狂談。樂說舊事。忽復相覩。首已如沐。吟肩既冷。容露可搥。離離星辰。方訝西暗。川東曉學。驚見日出。相與登岸。因而賦詩。里傳其狂。朋訝其逸。嗟乎。半世之樂。成於奉親。百晝之娛。奚若選夕。奈何中歲。各值多故。星辰淪乎夙約。風雨破其奇懷。顏非朱而潭鯉驚。衣皆麻而林鳥訝。此其攬盈尺之照。則逃影於虛。聆入秋之聲。而離樹卻走也。以少歲之遊。畢於此夕。故振筆序之。以貽數子。亦以志不忘耳。詩凡若干首。時乾隆四十一年丙申八月十五日。越三歲己亥十月二十日。序。同遊者爲錢塘郭鎔、同縣呂星垣、臨星衍、王育璇、凡五人。

壬申歲暮詩序

董基誠

壬申歲暮詩者。董子客居青浦歲事作也。莊鳥辭越。吞故都而微吟。王粲依劉。賦登樓而橫涕。下亭一去。王孫豈云可哀。來日大難。帝子於焉申愴。羈旅之契。愛逾所親。慨慷之情。託以遙唱。鄴下文讌。悼應劉而損歡。梁園舊遊。從鄒枚而誰識。廣坐客去。一尊酒空。悠悠我思。不可說矣。矧乃鷓鴣避地。非耽鼓鐘之音。鷓鴣借枝。不忘增綴之警。橘移故種。化枳彌良。蓬卷心寒。折麻亦直。南山避雨。怨朝躋其幾時。河陽望雲。指舊居而靡睹。殘日欲下。出門何之。塗路苦盛。一世消於逝川。愁思中來。昔人譬之。疾疾。握椒播烈。潤蕭艾而不芳。題琴贈歡。雜薰蕕而殊臭。一貴一賤。何尤乎翟公。生我知我。長慨乎鮑子。千里結客。陟幽并而益悲。四時周星。入黃昏而彌慘。風蕭蕭以舉帳。燭暉暉而向晨。魯酒自薄。豈離憂之可捐。雍琴獨彈。不累飲而亦泣。夫草木並腐。志士之所毒心。金石同流。達人之所齊物。况振影不過七尺。計時不逾百年。高者天。軋我於上。廓廓者地。局我於下。束纏有市。括羅無餘。棲遲隻身。俯側千狀。又何歲月之感。愉戚之變也。既已爲之詩。遂復系之序。

展東坡生日序

梅曾亮

道光丙申年程春海侍郎、擇西京祀竈之辰。展東坡生日之會。三九合簪。五七分製。以鶴南飛一曲。每字拈韻。分客賦詩。招未至者。別爲序焉。昔先生黃州收迹。赤壁探幽。祥符鐙火。已隔於平牛臘日。劫拏亦難爲酬對。乃卽莽蒼之野。爲壽樂之堂。斷岸扁舟。孤臣抱月。空江野飯。疏客如星。郭石二小生。蓋徵者耳。蘇門四君子。能同之哉。今則名卿徹席。上客薦尊。炷銀篆盤之香。供玉糝羹之饌。猶復設象招屈。陳詩祭賈。振高言於朝。英歌壽人於曠。世豈非今昔殊觀。抑亦風流相紹乎。或謂今者之會。昔人無知。則先生固云自不變者。觀之物我皆無盡也。故知凡有文字之日。皆谷神不死之時。豈獨丙子之年。爲張僊降生之歲。此南華火傳之薪。卽東坡長生之學者矣。是日入座者。吳荷屋中丞、潘芸閣、祁春浦兩侍郎、徐廉峯侍御。凡是四客。合爲五詩。作序者一人。上元梅曾亮也。

綿州北亭羣公宴序

王勃

下官人閒獨傲。海內少徒。志不屈於王侯。身不絕於塵俗。孤吟五嶽。長嘯三山。昔往
 東吳。已有梁鴻之志。今來西蜀。非無張載之懷。况乎踐名場。攜勝友。風月無幾。琴酒
 俄乖。半面十年。一別千里。何少府故人。攀桂撫金石。而論心韓法曹。新餞班荆。臨江
 湖而執手。離亭北望。煙霞生故國之悲。別館南開。風雨積他鄉之思。於時蒼雲寡色。
 白日無光。沙塵起而桂浦昏。鴈下而蘆洲晚。傍鄰蒼野。霜風橘柚之園。斜枕碧潭。
 露月芙蓉之水。既而登臨惜別。驂鴞少留。季札何人。親逢贈縞。子荆不敏。思掛傾城。
 惆悵北梁。攜琴臺而漸閒。徘徊東道。思錦署以行遙。嗟乎。人事乖矣。江山遠矣。請命
 離前之筆。爲題別後之資。五際飛文。想羣公之不讓。一言可贈。知下筆之有神。

沅江秋思圖序

李慈銘

蓋聞楚。天爲結恨之鄉。秋水實懷人之物。白雲無盡蒼波。卷空騷客所鍾。韻皆迺寄。况夫蘭芷被澤。風露泣華。香叢叢而益幽。態傲傲以善斂。當其朝霞在嶺。夕月臨江。哀猿一鳴。權謳開發。故將愁絕。雖日能堪。僕本恨人。何時不憶。至若丹楓落葉。朱橘迎霜。寒色片帆。客心千里。塞脩旣具。魂夢爲勞。雖楚游之計未諧。而湘靈之思無歇。爰傳尺素。續此遙襟。庶幾點綴騷容。流連墨雨。春風若采。誰尋白蘋之花。微波可通。永證班竹之。

顧密齋蘊真集序

邵齊壽

成都顧二密齋。余之同年友也。天資亮拔。器業開遠。珥彤扞淵。雲之藻。尹京流趙。張之譽。承恩濯纓。風靡將遠。坐法矢官。長衢大學。其生三月。自京歸蜀。道經吳門。枉帆見訪。因得觀其途中所爲詩數十首。以國風波俊發。襟韻蕭疏。不以榮枯累心。不以進退爲念。至乃訪路叟之疾苦。憫中澤之肌勞。憂蝗旱之爲癘。嗟河伯之不仁。觸目

興成。未嘗不三致意焉。此足以觀密齋之所存矣。余從去秋與密齋別成都門。惄如之懷。於茲一載。今得重之樽酒。敷衽論臆。既見君子。解雞鳴之憂。聞人足音。來空谷之喜。握玩斯卷。移晷忘倦。契闊言敍。永晝忘曠。而長帆遽解。驪駒已歌。古人云。黯然銷魂。惟別而已。况復吳雲蜀樹。流水征蓬。悲阮籍之窮途。泣楊朱之歧路。語昔數舊。惟興寥落之懷。執手憑樽。重增送歸之戀。遂忘固陋。讚述新詩。聊附贈言之義。輒題卷軸之右云爾。

謝晉安王賜宣城酒啓

劉孝儀

歲暮不聊在陰。卽慘惟斯。二理總萃。一時少府。鬪猴莫能致笑。大夫落雉。不足解顏。忽值餅瀉。椒房壺開。玉液漢罇。莫過般杯。未逢方平。醉而遁仙。羲和耽而廢職。仰憑殊途。使申私飲。未囑蠡卮。已觀幘岸。傾耳求音。不聞霆擊。澄神密胝。豈覲山高。愈疾銷憂于斯。已驗遺榮。忽賤卽事。不欺酩酊之中。猶知銘烈。

謝滕王集序啓

庾信

信啓。伏覽制筆。賜集序。紫微懸映。如傳闕里之書。青鳥遙蜚。似送厨城之璧。漠南諸軍。隨其計也。降戶之叛。河曲也。公千騎奮擊。萬虜奔走。戡翦略定。師旅方旋。而延陁。陁法復相。嘯聚。上軍敗於青岡嶺。元師沒於赤柳澗。公越自新堡。奔命寇場。贏糧之徒。不滿五百。兇醜四合。衆寡萬倍。公殺牛爲爨。噉虜爲餉。決命再宿。衝潰重圍。連兵蹻蹻。千里轉戰。全薛公於河外。反知運於寇手。朔方諸軍。壯其戰矣。研磨之奔也。邀於黑山口。覆其精銳。布思之背也。追至紅桃帳。掩其輜重。乳泊之會。剗蘭池之狂。胡木盤之役。縲石桌之通。寇凡前後大戰數十。小戰數百。算無遺策。兵有全聲。是以六狄逃遁。三垂又寧。聲暴露於天下。業光華於世載。信皇威之所加。亦武臣之力也。故錦衣寶玉。允答戎功。甲第良田。不承王命。語其智效。未甚優寵。黃頭黑齒。比價齊名。積戰多瘡。累勞生疹。恩命尙輕。馳往診之。晉賢已深。秦醫無及。十一年四月十五日。

薨於位。享年六十有六。制贈爲撥川王。稱故國本其志也。太常議諡曰忠。由舊典昭其行也。長子雲忠襲官封。繼事業。次子舊久特拜郎將。十二年四月詔葬於京城之南。懷遠人也。太常鼓吹。介士龍旂。虎帳貂裘。封犖殉馬。吉凶之義舉。夷夏之物備。長安令總徒以護事。鴻臚卿序賓以觀禮。哀榮之道著矣。君臣之義厚矣。有命國史立碑表墓。吾嘗同寮。敢陳遺烈。銘曰。

黃河接天。青海殊壤。舉世安裕。拔俗誰敢。倬哉論侯。利有攸往。奮飛橫絕。搏空直上。以衆款塞。因敵立勳。吐渾萬戶。吟嘯成羣。精感天地。氣合風雲。旣封酒泉。乃位將軍。朔方除塞。直彼獯虜。帝命先鋒。闕爲虓虎。山北加電。漢南擊鼓。數年之間。耀國威武。我有師旅。將軍鞠之。我有邊氓。將軍育之。柳澗亡師。一劍復之。蘭池叛胡。三載覆之。武節方壯。朝露不待。王爵送終。宿恩未改。時來世往。人亡物在。銘勳諡忠。以告四海。

爲崔從事寄尙書彭城公啓

李商隱

福聞雀辭楊館。常懷宣饒之恩。鷲別張巢。永結雕梁之戀。推誠泥物。某有類焉。始者
尙書晞髮丹山。騰身紫府。曉趨清禁。則瓊樹一枝。夜直黃閣。則金釭二等。人寰吳見。
摩路難逢。而某志在諱窮。勇於求益。輒干阜隸。白露菲葑。寶肆迴腸。只期和氏。醫門
投足。永念舍公。果蒙愍彼。顯恩溢爲題品。勾萌始達。依周囿以揚翹。滴瀝纒分。託靈
光而振響。遙輕短羽。驟化窮鱗。每欲陶冶肺肝。耕耘筆硯。粗雕宮徵。以謝陽秋。而義
有多塗。情非一概。辭煩轉野。意密彌賒。雖塗道如韓遂之書。反覆類葛洪之紙。終無
孳髮。可得端倪。去歲洛陽。雜陪良宴。頻趨絳帳。累坐青氈。汎聞懇拒台階。請從藩屏。
舉郡超之幕。數阮瑀之軍書。懸以嘉招。形以善諫。何言違阻。復賀光陰。潼水千波。
巴山萬岫。接漏天之露。隔蟠冢之煙霜。皓月圓時。樹石何依之鵲。悲風起處。巖無
不斷之猿。煎膏義之初心。軫懷仁之勁氣。竊惟秦境。當察衛桃。一昨伏承擁節。浚郊。
建牙隨岸。將求捧幣。申好。得裳就塗。接枚叟之餘光。奉鄒生之末座。又伏慮旋登。殷
夢。俄奉周啟。行詔已行。拜塵無及。徘徊失措。鬱悒誰聊。必也華榻長懸。簡書無廢。卽

割任安之席。堪晒無圖。負田叔之鉗。可嗟非據。伏惟慎安寢膳。勉護興居。早秉信圭。速調大鼎。至於禱祝。實倍等倫。半菽思貯於神倉。一勺願投於靈海。道之云遠。更開殷浩之函。書不盡言。重灑楊朱之淚。攀戀感激。不知所裁。伏惟俯賜鑒照。

敘復謝中丞啓

孫 覲

削丹書於秋官之籍。繫聖天子獨斷之明。齒清議於月旦之評。實卿大夫游談之重。伏念某藐然一介。蕞爾餘生。三蟲作心腹。莫大之憂。二豎爲音旨。不治之疾。固嘗求福於木居士。亦祈復巧於天女孫。鬼神惡而天高不聞。蛟龍怒而淮深莫測。歛如過隙。星紀之換兩周。恍若披雲。天日之光一略。仁言溥矣。王路坦然。一燈借明。九里蒙潤。補壞牆而翁怒。自下非意之評。束緼火而婦還。更冒曲成之造。茲蓋伏遇某官剛大之氣。充塞堪輿。寒謬之聲。動搖山岳。靖共好直。忠憤疾邪。哀此窮途。已成棄物。掀於淖而濯西江之水。傅之羽而培北海之風。骨鯁在咽。久從暗噫。腦脂去眼。復見清

高銘佩之私。古言難盡。

謝溫南劍啓

洪适

把歷五領。已銷西道之聲。出絳九重。復玷東偏之寄。顧薄材以知懼。枉榮問以增慚。此蓋某官學博書倉。識窮理窟。蚤擢奉常之第。旋陪中祕之遊。武成之策二三。盡讐訛謬。韃爲之聲十六。能考異同。已垂上於青霄。迺遠分於符竹。物華天寶。神龍猶合劍之津。里詠塗歌。黃犢化佩刀之俗。夙保歲寒之契。獨私月旦之評。遂致迂疎。猥叨推擇。某啖離已久。瞻迥眷然。書記翩翩。若高談之對面。故人戀戀。冀清誨以傾心。

上河東公啓

李商隱

商隱啓。兩日前於張評事處。伏觀手筆。兼評事傳指意。於樂籍中。賜一人以備級補。某悼傷已來。光陰未幾。梧桐半死。才有述哀。靈光猶存。且兼多病。眷言息胤。不暇提

嚙。或。小。於。叔。夜。之。男。或。幼。於。伯。喈。之。女。檢。庾。信。苟。娘。之。啓。常。有。酸。辛。詠。陶。潛。通。子。之。詩。每。嗟。漂。泊。所。賴。因。依。德。宇。馳。驟。府。庭。方。思。效。命。旌。旄。不。敢。載。懷。卿。士。錦。茵。象。榻。石。館。金。臺。入。則。陪。奉。光。塵。出。於。揣。摩。鉛。鈍。兼。之。早。歲。志。在。玄。門。及。到。此。都。更。敦。夙。契。自。安。衰。薄。微。得。端。倪。至。於。南。國。妖。姬。叢。臺。妙。妓。雖。有。涉。於。篇。什。實。不。接。於。風。流。况。張。懿。仙。木。自。無。雙。曾。來。獨。立。既。從。上。將。又。託。英。僚。汲。縣。勒。銘。方。依。崔。瑗。漢。庭。曳。履。猶。憶。鄴。崇。寧。復。河。裏。飛。星。雲。間。墜。月。窺。西。家。之。宋。玉。恨。東。舍。之。王。昌。誠。出。恩。私。非。所。宜。稱。伏。惟。克。從。至。願。賜。寢。前。言。使。國。人。盡。保。展。禽。酒。肆。不。疑。阮。籍。則。恩。優。之。理。何。以。加。焉。干。冒。尊。嚴。伏。用。惶。灼。謹。啓。

謝賈朝奉奠先墓啓

蘇軾

自。蜀。徂。京。幾。四。千。里。攜。孥。去。國。蓋。二。十。年。側。聞。松。楸。已。中。梁。柱。過。而。下。馬。空。瞻。董。相。之。陵。酌。以。隻。雞。誰。副。橋。公。之。約。宦。游。歲。晚。坐。念。涕。流。未。報。不。貲。之。恩。敢。懷。盍。歸。之。意。

常恐樵牧不禁。行有雍門之悲。雨露既濡。空引太行之望。豈謂某官。政先慈孝。義篤友朋。首隆學校之師儒。次訪里閭之耆舊。自嗟來暮。不聞拔薤之規。尙意評交。特致生芻之奠。父老感歎桑梓光華。深衣練冠。莫克垂洟於墓道。昔襦今袴。尙能鼓舞於民謠。仰佩之深。力古難盡。

回丁狀元時發啓

王十朋

廣庭待問。竊喜朝陽之鳳鳴。平地登仙。咸羨遼東之鶴化。輿論甚美。斯文有光。伏惟某官。挺秀海陵。蜚聲天闕。文掃科第之習。言懷猷畝之忠。以元氣之盛衰。喻國體之治亂。論一國一代一時之政。有寔明寔昌寔微之風。如使生漢文之時。諸老其誰先。聖誼假令居李唐之世。有司必不第劉蕡。因吾子之敢言。見清朝之不諱。願摠素蘊。以事聖君。某叨與周旋。欽閱大對。喜皇朝之得士。知天下之有人。聽臚唱之傳。增搢紳之氣。都騎願我。譬草木臭味之同。長牋拜嘉。乏玆報投之好。

謝周樞使啓

陸游

起由散地。付以名州。朝迹久疎。忽喜長安之近。戍期未及。先寬方湖之饑。靖言孤蹤。可爲過望。伏念某。簞瓢窮巷。土木殘骸。早已孤危。馬一鳴而輒斥。晚尤顛沛。龜六鑄而不成。羽翮摧傷。風波震動。薄祿作無窮之祟。虛名結不解之讎。鄙生自謂非狂。甚矣見知之寡。韓愈何恃敢傲。若爲取怒之深。乘下澤之車。忽遇半生。掛神武之冠。今無多日。偶然未死。得此少伸。制出西垣。地連右輔。顧視必恭之梓。阡陌相望。封培勿翦之棠。鄉閭太息。此蓋伏遇某官。學優聖域。道覺民先。卓爾爲衆正之宗。毅然開孤進之路。自太公已久。望子仰關。宗廟之靈。有夷吾可無復憂。盡釋薦紳之慮。方廣求於雋傑。乃首記其姓名。生物功深。奚啻吹律召東風之妙。回天力大。未可挾山超北海之難。而某少頗激昂。老猶矍鑠。志士弗忘溝壑。固當擊馬革裹尸之心。薄福難與成功。名第恐有猿臂不侯之相。

擅責旗廝謝岱將軍啓

袁枚

枚初離書舍。使領雷封。雖有愛民之心。未知事上之道。本月二十日公廳下役張升。徵李氏之租。因周家之子。移宮換羽。意欲何爲。寧符毋刁。志在恫喝。枚已得其情。略詰其故。而升固知尺一。任責俯仰。莫敢趾高。伯珪聲大。坐獄之鄉。亭憲駭。殺青之金。布安存。此枚所以不及上聞。遽加杖決也。然而承符手力。律雖不判。尊卑而臺使軍丁。罪合先爲上請。魏絳戮楊干之僕。六駟皆驚。秀實誅郭令之兵。一軍盡甲。乃蒙明公薄怒。不形。觀過於黨。始懲破柱之風。俾識堂廉之分。繼赦如絃之直。以全傳棧之材。人謂枚先有不耐一官之意。而後動於刑枚。知公原有不屈一夫之心。而敢行其志。園丁芟主人之荆棘。方欲居功。子孫鞭祖父之家奴。自知小過。念前愆而莫贖。圖自新之有期。從此申公憲以報私恩。依然執法而得下情。以自執事。合緩須臾。庶在野免銅拔之歌。亦爲公肅銀刀之隊。

藝園記

劉開

藝園者。外舅倪醒齋先生家塾也。先生之族。聚居雷池者。類皆棟宇綺交。樓閣鱗次。飛獸接空。迷禽閉日。先生獨規十畝之地。以爲讀書之所。華不傷質。整而能疎。所貯惟金石圖書若干卷。起士爲固。周圍若城。鑿港通流。四面阻水。其中有田足耕。有圃可種。雖無重巖疊嶂之勝。飛泉側瀨之奇。而壇宇紛羅。風煙披薄。旁鄰緝壤。外連大江。遙峯秀嶠。飛翠於檐。前長塘曲。油蕩影於林。外坐臥一室。錯綜百家。鍛鍊歲時。浸潤古昔。藝園之名。所自來矣。當夫花氣破萼。草甲萌芽。雖樹叢柯。能令景蔽。小竹細筍。漸礙人行。紫藕牽絲。綠蘿蒙幕。老梅數本。醞釀古芳。冶桃千株。低昂春色。於是信步出眺。置酒爲娛。延暉晴初。馳愁霜且。鳥語墮石人來。穿雲渡火。生煙翠猶積。氣游魚在水。視若乘空。俯仰之暇。課子孫。宴賓客。愨情弋釣。託志羲皇。仲長統樂志之言。何以過此哉。開往來大雷。居園甚久。熟其景物。用綴駢言。欲以飾美於園林。非敢錫

榮於風月也。

懷知圖記

彭兆蓀

蔣子伯生。提桴藝場。策功詩閣。以文字業。現宰官身。測交約。歡雅游。接軫。羊欣入座。謝混易衣。王粲在門。蔡邕倒屣。乃至芷蘭合臭。則契結攬環。淑美通詞。則情均解佩。往夢悅魄。停雲貯襟。分寫爲圖。徵言以記。夫急弦勁矢。密運者歲年。吹塵起漚。偶然者交際。伊古真人作達。等道義于蓬廬。釋子捐機置寃。親於平等。假使繫心沫聚。生愛旃塗。得無繳網之纏。難比黏糍之解。然而境由幻構。幻卽是真。情從想生。想歸於正。是以廣桑山上。夙有淵源。兜率天中。非無眷屬。旣金石之誼重。卽香火之緣深。豈可付之冥忘。視同泡電乎。茲境茲圖。固實相之端倪。枯禪之藥石也。以僕軫材。去君十舍。而南皮舊侶。東閣勝流。飛蓋西園。停車北里。歡屢墜而莫續。羽方翕而復分。箬脫波頽。星離雨絕。惟欲披莊盈尺。繡佛一龕。託諸陽焰空華。藉釋迴腸紆軫。煙雲棲

目。豪素觸懷。宿習再薰。識浪復鼓。落落四海。負負寸心。讀書申辭。但有嘔思。

塑像記

段成式

在世間攘巨寇。必思衽金浴鐵。強矯雄毅者。雖空門亦忿怒塵撲。爲法大防也。據內典。下天處蘇迷盧之半。爲初利尉侯北方毗沙門統藥叉衆所治水精宮護世城。其住處曰紛陀利。曰質多羅。曰七林。曰摩偷。曰如意等。下壓象跡。當歡喜之地。上接蜂歌。雜莊嚴之境。常橋尸迦。將破怨敵。聖者奮勇健臂。出甲冑。林獨揭勝。幢不頓一。戰趯迦婁。四垂翅。梭修羅而束手。猶怒拆蓮柄。狂搜藕絲。蓋多聞位居初地。離十二矣。故經云。毗沙門得方便救護之門。昔縛喝伽藍。北虜感夢而懺悔。近于閻黎落。西羌覩相而來降。其威神營衛。胎靈靈應。事無虛譯。世不絕書。相傳北方天王與瞻部有緣。謂西域瞿薩國。本天王棲神之處也。廬陵龍興寺西北隅。先有設色遺像。武宗五年毀廢。至大中初。重建寺。其處爲僧乾立所居。乾每調嘆不安。旬日方悟。遽徙他室。

防誓造北方變。梁朝謂雖也。像亦爲變也。請押衙熊輅爲導首。輅遂與執白籌者郭宣熊師佐等。

縱臾閻伍。爲說第一施結增上緣。獲零幣貨貝。共二十萬。輅厚自損微。周歲功就。乃多聞儀形。嚴毅如牛。眉結雲聚。目稜電擊。猛焰慧眉。跛峰搶軒。金塗錯落而燐亂。彤彩陸離而芒角。得工巧明矣。其或喚鸚鵡。劍硯。不翅擊三屍。磔五家也。及素天女主藏神凡四。四事堂內。三壁寫載部落。雷公拗怒。付雷惡觀。許可畏也。吉之人香火微福。杯尊乞靈。福旣據我。靈詎乏生。噫。予曾閱正法念經。說摩醯陀山六齋日。四於此會計。閻浮提善業。豈容不歸敬耶。輅爲學性。端介敏辯。王公多伏之。復悟禪那宗要。得總持契訣。常持北方真言。大中三年病且死。忽夢天王操戟卓地。有泉迸射搏之。及而目驚覺。汗洽而愈。十二年洪州狂賊盜兵殺吏。尋定州差輅上府。至所塗。夢天王方梨。日。世途若此。爾欲何往。卽宿留數日。賊手鶴果。膾肝飲頭。尤恣殘酷。其踐較著如五。十三年秋。予閒居漢上。輅爲交阯使入京。請予紀釋氏事以上事。請予叫喚北方故實焉。

餞沈宰致語

趙彥端

暄風暖景。方欣雛雉之鳴。碧草綠波。忽報飛鳧之引。兒童知戀。草木含淒。願葦爾以
 自憐。念翻然而莫駐。恭惟某官。名流第一。間氣無雙。雖蟠雲夢於胸中。猶鬱麒麟於
 地上。時和頌美。曾桃李之無言。吏退詩成。信江山之得助。逮春華之三變。方聖政之
 一新。民願借而報聞。課當遷而奏可。車輪四角。徒多阻轍之思。留得一封。若賜環
 之召。某官肅故交於新好。啓華宴於芳辰。撫嘉猷以賦角弓。聽鳴嘒而思伐木。歌翻
 金縷。悵花霧之冥冥。醉倒玉山。怨星輝之皎皎。某等叨持薄長。幸列下陳。上奉清歡。
 敢獻口號。

餞利州交代致語

闕名

朱轡皂蓋。方班楚澤之春。錦纜牙牆。又泛秦淮之月。簞壺塞路。蕭鼓沸天。紛然臥轍

之氓。居有挽鬚之意。恭惟某官忠純許國。豈弟宜民。時推北斗之一人來擁東方之千騎。長安之陌。久馳公子之心。楚臺之風。聊共庶民之樂。爰膺妙柬。移牧通都。五馬攢花。難駐雲霄之步。九芝塗檢。竝雷雨露之新。知郡侍御。夙陳燕豆之歡。增重交成之契。十眉環坐。千指調絲。長歌牽獨繭之繰。百舵倒瓊艘之漾。渭城朝雨。寄別恨於垂楊。南浦春波。渺愁心於碧草。

會老堂致語

歐陽修

某聞安車以通四方。禮典雖存於往制。命駕而之千里。交情罕見於今人。伏惟致政少師。一德元臣。三朝宿望。挺立始終之節。從容進退之宜。謂青衫早並於俊遊。白首各諧於歸老。已釋軒裳之累。卻尋鷄黍之期。遠無憚於川塗。信不渝於風雨。幸會北堂之學士。方爲東道之主人。遂令潁水之濱。復見德星之聚。里閭拭目。覺陋巷以生光。風義聳聞。爲一時之盛事。敢陳口號。上贊清歡。

欲知盛集繼荀陳。請看當筵主與賓。金馬玉堂三學士。清風明月兩閑人。紅芳已盡鶯猶囀。青杏初嘗酒正醇。美景難并良會少。乘歡舉首莫辭頻。

集英殿秋宴教坊致語

蘇軾

臣聞天無言而四時成。聖有作而萬物視。清淨自化。雖仰則於帝心。愷悌不回。亦俛同於衆樂。屬此九秋之候。粲然萬寶之成。吾王不遊。何以勞農而休老。君子如喜。則必大亨以養賢。恭惟皇帝陛下。孝通神明。仁及草木。行堯禹之大道。守成康之小心。華夷來同。天地並應。以謂福莫大於無事。瑞曷加於有年。南極呈祥。候秋分而老人見。西夷慕義。涉流沙而天馬來。嘉與臣工。肅陳燕俎。禮元侯於三夏。諧庶尹於九成。宣示御觴。聳近臣之樂觀。臚傳天語。溢兩廡之歡聲。臣等幸觀昌辰。叨塵法部。採謠言於擊壤。助矇眊之陳詩。仰奉威顏。敢進口號。

霜霏碧瓦尚生煙。日泛彤庭已集仙。藹藹四門多吉士。熙熙萬國屢豐年。高秋爽氣

朋宮殿。元祐和聲入管絃。菊有芳兮蘭有秀。從臣誰和白雲篇。

謝賜漢書表

歐陽修

俯賜承命。拭目生輝。竊以古文興化。乃致治之所先。著錄藏書。須太平而大備。惟漢室上繼三代之統。而班史自成一家之書。文或舛訛。蓋其傳之已久。詔加刊定。俾後學之無疑。一新方冊之文。增煥祕書之府。而奏篇之始。方經衡石之程。賜本之榮。惟天鈞極之近。敢期孤外。特與思頒。此蓋伏遇皇帝陛下。曲軫容慈。俯矜舊物。謂其嘗與臣鄰之列。不忍遽遺。憐其自喜文字之間。俾之娛老。然臣兩目昏眊。雖嗟執卷之已艱。什襲珍藏。但誓傳家而永寶。

賀誕皇子表

王安石

燕祉享德。方儲錫羨之祥。熊夢生賢。克協會昌之運。預在照臨之廣。敷同慶賴之深。

竊以思齊神罔時恫。假樂民之攸暨。天所保佑。厥惟太姒之多男。國之榮懷。亦曰成王之衆子。恭惟皇帝陛下。令德光乎洛誦。康功茂乎岐昌。鴻休無疆。景命有僕。蓋芟莠之薄言采采。衆樂先成。螽斯之宜爾振振。宗強孰禦。臣久叨眷遇。適阻進趨。親值本支百世之盛時。敢忘壽考萬年之善祝。

百寮賀復熙河路表

王安石

臣某等言。伏觀修復熙河洮泯疊宕等州。幅員二千餘里。斬獲不順蕃部一萬九千餘人。招撫大小蕃族三十餘萬。各降附者。奮張天兵。開斥王土。旌旃所指。燕及氐羌。樓櫓相望。誕彌河隴。中賀竊以三年鬼方之伐。高宗所以濟時。六月玁狁之征。宣王所以復古。政由人舉。道與世升。伏惟皇帝陛下。溫恭而文。容知以武。講周唐之百度。拔方虎於一言。我陵我阿。旣飭鷹揚之旅。實塘寶壑。遂平烏竄之戎。用夏變夷。以今準古。是基新命。厥邁往圖。臣等均被明恩。具膺榮祿。接千歲之統。適遭會於斯時。上

萬年之觴。敢愆忘於故事。

呂惠卿責授建寧軍節度副使本州安置不得簽書公事

制

蘇軾

元凶在位。民不奠居。司寇失刑。士有異論。稍正滔天之罪。永爲垂世之規。具官呂惠卿。以斗管之才。挾穿窬之智。諂事宰輔。同升廟堂。樂禍而貪功。好兵而喜殺。以聚斂爲仁義。以法律爲詩書。首建青苗。次行助役。均輸之政。自同商賈。手實之禍。下及鷄豚。苟可蘇國以害口。率皆攘臂而稱首。先皇帝求賢若不及。從善如轉圜。始以帝堯之心。姑試伯鯨。終然孔子之聖。不信宰予。發其宿姦。詢之輔郡。尙疑改過。稍畀重權。復陳罔上之言。繼有碣山之貶。反覆教戒。惡心不悛。躁輕矯誣。德音猶在。始與知己。共爲欺君。喜則摩足以相歡。怒則反目以相噬。連起大獄。發其私書。黨與交攻。幾半天下。姦賊狼藉。橫彼江東。至其復用之年。始倡西戎之隙。妄出新意。變亂舊章。力引

狂生之謀。馴至永洛之禍。興言及此。流涕何追。迨予踐祚之初。首發安邊之詔。假我號令。成汝詐謀。不圖渙汗之文。止爲款賊之具。迷國不道。從古罕聞。尙寬兩觀之誅。薄示三危之竄。國有常典。朕不敢私。

皇太子生日賀皇太后箋

文天祥

福于王母際南面之昌期。天以神孫娛東朝之永日。畫堂瑞節。長樂歡聲。恭惟皇太后性蘊沖和。仁培靜壽。思齊所以聖也。以御于邦。螽斯宜爾。孫兮克昌。厥後皇皇穆穆。繼繼承承。臣迹滯騏原。心馳鳳闕。本支百世。播絳庭之聲詩。怡愉萬年。衍飴之福慶。

謝量移汝州表

蘇軾

稍從內遷。示不終棄。罪已甘於萬死。恩實出於再生。祇服訓詞。惟知感涕。伏念臣向

者名過其實。食浮於人。兄弟並竊於賢科。衣冠或以爲盛事。旋從冊府。出領郡符。既無片善可紀於絲毫。而以重罪當膏於斧鉞。雖蒙恩貸。有愧平生。隻影自憐。命寄江湖之上。驚魂未定。夢遊繹綫之中。憔悴非人。章狂失志。妻孥之所竊笑。親友至於絕交。疾病連年。人皆相傳爲已死。饑寒併日。臣亦自厭其餘生。豈謂草芥之賤微。尙煩朝廷之紀錄。聞其恫悔。許以甄收。此蓋伏遇皇帝陛下。湯德日新。堯仁天覆。建原廟以安祖考。正六宮而修典刑。百廢俱興。多士爰集。彈冠結綬。共欣千載之逢。掩面向隅。不忍一夫之泣。故推涓滴。以及焦枯。願惟效死之無門。殺身何益。更欲呼天而自列。尙口那窮。徒有此心。期於異日。

賀明堂禮成肆赦表

曾鞏

昊天無聲之載。人莫能名。先帝罔極之恩。物何以稱。維總章之定位。秩宗祀之洪儀。祇薦至誠。用伸昭報。伏惟陛下躬夙成之聖質。而博古多聞。經持起之大猷。而虛心

廣覽。振千齡之墜緒。紹三代之遐蹤。濡澤之所涵濡。太和之所煦嫗。華夏蠻貊。無一夫不獲其宜。草木魚蟲。無一物不遂其所。爰求祭典。用告王功。蓋諸儒之說爲不涇。則折衷於夫子。而近世之事爲非古。則取法於周公。罷黜異端。推明極孝。以尊莫大於神。故郊於吉土。以配天。以本莫重於親。故享於合宮。以配帝。恩義兩得其當。情文皆盡其詳。撤俎云初。均釐甚廣。昭哉皇矣。實難偶之昌期。巍乎煥焉。信非常之盛禮。臣幸逢熙洽。未奉燕閒。一違前蹕之音。四遇親祠之慶。青雲外士。皆預橋門之聽觀。黃髮孤小。獨歎周南之畱滯。

和議成賀表

岳飛

觀時制變。仰聖哲之宏規。善勝不爭。實帝王之妙算。念此艱難之久。姑從和好之宜。容澤誕敷。輿情行悅。竊以婁敬獻言於漢帝。魏絳發策於晉侯。皆盟墨未乾。歃血猶濕。俄驅南牧之馬。旋興北伐之師。蓋夷虜不情。而犬羊無信。莫守金石之約。難充溪

整之求。圖苟安。而解倒垂。猶之可也。欲長慮而尊中國。豈其然乎。恭惟皇帝陛下。大德有容。神武不殺。體乾之健。行巽之權。務和衆以安民。迺講信而修睦。已漸還於境。士想喜見其威儀。臣幸遇昌時。復觀盛事。身居將闕。功無補於涓埃。口誦詔書。面有慚於軍旅。尙作聰明。而過慮。徒懷猶豫。以致疑謂無事。而請和者。謀恐卑辭。而益備者。進願定謀。而全勝。期收地於兩河。唾手燕雲。正欲復仇。而報國。誓心天地。曾令稽首。以稱藩。

謝賜香藥面脂表

張九齡

臣某言。某至宣勅旨。賜臣裏衣。香面脂。及小通中散等藥。捧日月之光。寒移雪海。沐雲雨之澤。春入花門。雕奩忽開。珠囊暫解。蘭薰異氣。玉潤凝脂。藥自天來。不假淮王之術。香宜風度。如傅苟令之衣。臣才謝中人。位參上將。疆場效淺。山嶽恩深。唯因受遇之多。轉覺輕生之速。

與太子論彭城王詔

魏孝文帝

汝弟六叔父魏。清規懋賞。與白雲俱潔。厭榮舍紱。以松竹爲心。吾少與綢繆。提攜道趣。每請解朝纓。恬真邱壑。吾以長兄之重。未忍遠離。何容仍屈素業。長嬰世網。吾百年之後。其聽魏辭。蟬舍冕。遂其沖挹之性。無使成王之朝。翻疑姬旦之聖。不亦善乎。汝爲孝子。勿違吾勅。

與臧熹勅

宋武帝

頃學尙廢弛。後進頽業。衡門之內。清風輟響。良由戎車屢警。禮樂中息。浮夫近志。情與事染。豈可不敷崇墳籍。敦厲風尚。此境人十。子姪如林。明發搜訪。想聞令軌。然荆玉含寶。要俟開鑿。幽蘭懷馨。事資扇發。獨習寡悟。義著周典。今經師不立。而赴業無聞。非唯志學者鮮。或勸誘未至邪。想復宏之。

建平王聘隱逸教

江淹

府州國紀綱。夫媯夏已沒。大道不行。雖周惠之富。猶有魚澤之士。漢教之隆。亦見棲山之夫。迹絕雲氣。意負青天。皆待絳螭驥首。翠虬來儀。是以遺風獨扇百代。餘烈激厲後生。斯乃王教之助。古人之意焉。吾稅駕舊楚。憇乘汀潭。挹於陵之操。想漢陰之高。而山川遐久。流風亡沫。養志數人。並未徵采。善操將棄。良用慨然。宜速詳舊禮。各遺纒招。庶暢此幽襟。以旌蓬幕。

黃孝子贊并序

彭兆孫

夫勉心景跡。夏侯流詠於子窻。聞風永懷。遐叔旌善於知道。皆以篤行淳備。克守天經。播之雅歌。用附悼史。淑靈所稟。載籍具昭。顯如江夏。實超古烈。沿及苗裔。至性益敦。以彼生業未耜。導乏典墳。而代閔左之役。旄期獲安。反轉前之風鬱。攸退舍。封臂。

以箋岳錄。沈痼爲蘇。椎心而守。聖廬。躡踵無數。道首百行。誠感三靈。宜乎獨楓改里。入袁愉之表章。六闕樹門。勝楊炎之世德矣。孝子黃氏名機。字聖猷。吾邑人。事詳州乘。時越百年。屬有孫枝。予忝戚末。以前邑侯長沙劉君暉澤所爲家傳。潢治傳咏。用揚前休。誦循陔之什。雅慕采蘭。釋式閭之文。尤敦敬梓。爰作贊曰。

二儀肇建。人紀聿興。粲粲門子。景儀閭曾。粹和鍾毓。匹庶烝烝。外繇顧山。躬當踐吏。滌瀟柔滑。必絜必誠。侍疾謁醫。繭足數程。引刃默禱。殘骸委形。九地哀動。三年算增。輓車在室。祝融猝嬰。大呼帷堂。精激隱冥。颯迴燄熄。百神效靈。州里欽式。冠裳敬生。日月雖邁。誦說猶馨。中壘宏製。樹之風聲。舉舉賢裔。永葆先型。匹休文疆。垂芬億齡。

蔣定安墓碣

洪亮吉

君諱寶善。字定安。從舅企宸先生幼子也。澤門之哲。長號多姿。江夏之黃。生而善悟。爰自能言之歲。卽標獨異之稱。母董安人尤愛之。以善病未令苦讀也。所居枕溪。樓

閣尤勝。成童後出居外舍。軒楹啓日。雲麗迷花。門徑臨波。風疏振柳。羣從旣盛。執友時來。饒茲勝地之吟。益以華年之樂。君願簡靜。無所嗜也。默然視層城之移陰。與飛鳥之過蹟。則停觴以思。淒淚忽墮。故銅臺之遊。乏謝莊而寡韻。南皮之會。有吳質而損歡。一日偕送友人。葬夜歸。室冷無寐。秋蟲鳴階。鑑薄影於星河。弔浮光於林露。是夕言鬼神之事甚悉。嗚乎。君蓋有悟夫年命之靡常。而修短之合致者矣。君以療疾遺命。以道士服斂。爲詩若干首。母不忍觀。亦納諸棺中。化形之鶴。猶愛羽衣。識字之鰓。偏隨病骨。予與君知愛特甚。自君卒及斂。嘗守君之寢。嗚乎哀哉。生何如死。願入夢以諮魂。夜已嚮晨。尙陳尸而待暝。以乾隆三十年歲在乙酉七月二十一日卒。年二十有三。卽以其年九月附葬於先人之壙。禮也。君聘妻孫氏。誓節不嫁。奉姑以居。雖無子之痛。較甚羊舌而嗜義之念。有重熊掌可嘉也矣。予爲君從表弟。少君三歲。懼夫江水衢溢。高陵或沈。爰爲立石於墓。而誌其歲月云。

後堂望美人山銘

庚信

高唐疑雨。洛浦無舟。何處相望。山邊一樓。峯因五婦。石是三侯。險踰地肺。危凌天柱。禁苑斜通。春人恆聚。樹裏聞歌。枝頭見舞。恰對妝臺。諸窗併開。遙看已識。試喚便回。豈同織女。非秋不來。

終南山高觀谷銘

洪亮吉

鄂縣東南行三十里。有高觀潭。谷水出焉。五里未及。驚霆接天。百步尙懸。飛瀑搏頰。洵人外之奇觀。霞表之靈境也。若其危厓半傾。若斜景之入海。巨石自轉。同高穹之隕星。曾不踰時。已抵絕壑。雖激電之閃戶。飛矢之出林。不是過也。春雨既積。山空自鳴。萬壑競乎一門。百丈限之盈尺。是則山澤氣阻。陰陽與之迴。皇風雲色。變星辰。因而匿采者矣。余尋幽匪遙。好奇斯遇。遵彼磐石。薄焉觀之。齋心既空。盈耳有悟。遂爲之銘曰。

鯨波乍湧。龍氣猶腥。高欲切漢。光疑浴星。頽峯作檻。劈石成屏。出竇始白。迴瀾乃青。

流金迄石。衝谷注壤。海若輸靈。坻隕遜響。遵巖覓電。頰壑尋雷。天地黯慘。風雲蔽虧。無人獨往。日月飛來。

祭夫徐悱文

劉令嫻

維梁大同五年。新婦謹薦少牢於徐府君之靈曰。惟君德爰禮智。才兼文雅。學比山成。辯同河瀉。明經擢秀。光朝振野。調逸許中。聲高洛下。含潘度陸。超終漢賈。二儀既肇。判合始分。簡賢依德。乃隸夫君。外治徒奉。內佐無聞。幸移蓬性。頗習蘭薰。或傳琴瑟。相酬典墳。輔仁難驗。神情易促。苞碎春紅。霜靡夏綠。躬奉正衾。親觀啓足。一見無期。百身何贖。嗚呼哀哉。生死雖殊。情親猶一。敢遵先好。手調薑橘。素俎空乾。奠觴徒溢。昔奉齊眉。異於今日。從軍暫別。且思樓中。薄遊未反。尙比飛蓬。如當此訣。永痛無窮。百年何幾。泉穴方同。

祭李芝齡先生墓版

梅曾亮

咸豐五年二月十九日清明節門下士南河總督楊以增江安糧儲道署江寧布政使何俊禮部員外郎赫特赫納前戶部郎中梅曾亮謹以牲牢酒醴致祭於故禮部尚書李公之墓。惟公文昌應瑞真府歸神久妥吉於牛眠。曾降祥於鶴弔。几茲含識。共懷樵蘇。况在從遊。豈忘營奠。某等以守官斯土。或暫寓名區。當年京邸。同依桃李之門。今日山陽。近接松楸之隧。慨光風之久隔。念春露之將濡。竊以門人上冢。事載儒林。寒食禁煙。時宜野祭。特展九原之敬。式瞻三版之封。素車白馬。已慚會葬之無從。紫氣青牛。尚冀傳經之如在。尚饗。

弔朱生文并序

王闓運

同治四年春三月望。王闓運於真定逆旅。逢同縣舉人朱君之匱。因以所攜之酒。酌奠其靈。而爲詞弔之曰。悠悠天地。有生有名。孰見其得。但見其爭。嗟余六載。再旅於京。今逢朱子。昔弔唐生。

惟子之里。乃余舊鄉。後先同舉。齒輩齊行。生不相識。死不相傷。何心邂逅。相見道旁。見子云何。惟僕雜馬。二羸負棺。搖搖於野。風吹綠楊。歸雨大灑。回此曠懷。潛然涕下。惟此乙丑。南士赴期。或困於漢。或躓於淮。惟余與子。不顧而馳。我生而返。子死而歸。歸歟歸歟。名身孰親。聞子之來。杭海通津。父子離別。以病託人。亦窮於藥。亦徧於神。藥不醫死。神豈通問。遲速之期。子又奚吝。無恤無親。於友於殮。無畏不歸。余送子櫬。余情好悲。獨往無聊。爰與之子。爰莫爰朝。雖未相識。髣髴而要。河之瀾瀾。江又滔滔。慈親倚闕。靡靡相宅。寡婦在帷。情念新嫁。人苟有心。魂斯無化。曷其奈何。永襲長夜。飲子一尊。告子一言。生不如死。富不如貧。貴不如賤。古有達人。往來虛無。以究其根。烏乎哀哉。

